

安陸府志序

蓋聞歷代之有史所以紀治亂驗災祥辨賢否而禮樂兵農於此出忠孝節義於此開不獨典章明備昭示來茲也惟列郡之有志亦然故輔軒采風達諸明聽即為論道經邦之本而月布令及道輝狗人猶其後焉者耳楚自畫野分方沉潛既道職貢載在虞書迨江漢化行台郎思永而才猷遂已蔚起士女咸識歸趨文物聲名洋洋莫崇如左史倚相能誦八索九丘以朝夕獻替而屈宋含毫情思綿邈無

安陸府志

卷序

一

復輕剽之習斯所稱人倫淵藪矣况郢為蘭臺舊區陽春白雪之縣流傳千載而不為揚激音徽登諸簡策其何以徵文考獻彰往察來起百世之頑懦表一方之訓型乎德亦膺司牧志切觀摩初值軍興雜沓輸輓不遑雖曾繕圖葺學發粟成梁當役車方休之際業亦畧舉廢墜而祇患荒祲沴至未能續奏其凝然竊謂掌邦禁以銷萌不若勒國書而振俗矜已長以任智不若推元善而讓賢歲丙午會逢臺憲諸巨公加意開模旁蒐楚乘誠以革故鼎新宜

時損益而舊編疊經剗火近蹟未睹裨官即從荒煙蔓草中覓得夙昔飛篇而體裁未恰掛漏殊多我國家景運聿隆方期創垂久遠豈可徒沿陳迹使草味以來前後數十季典冊無傳致憾闕遺乃遍諮僚友思抽枕秘盤令長學博非不各聞所聞但父老之傳述失真而群言放紛雌黃盈頰則集室難與道謀必歸諸一而後有倫有眷者理勢然也適

太史王樸庵先生奉

欽餞旋雲杜是采風貢俗實屬專圖文竟陵灌湘譚

安陸府志

卷序

二

先生亦以事親靜息里中二公皆館閣奇英淵源有素愚不敏遂馳尺簡詣同握青鏤甫決寒暑而一脫其草一玉其成間與在籍諸紳士叅互攷訂而放紛者得其條貫傳述者有所統宗愚方快披大雅之章而一抒胸臆焉仍念闕文何由而獲補軼事何由而載稽于是過又久非云求備而止數墨尋行畧為修飾而乃解囊付梓以告無過其或有典制條更錯綜不一幽貞獨抱僻陋難搜則削牘無暇數易搦管弗能再懸且愛嚮寶鼎寧必鑒飲衆心彼深谷芳蘭正

無須移載衢路矣攬弘綱而存大體亦庶幾觀感興起足維風教于弗衰愚何敢侈談三篋妄續二京謂可廢歟復旦也哉時

康熙柒年歲在著雍涒灘律中仲呂穀旦中憲大夫湖廣安陸府知府加一級渝東張尊德撰

安陸府志

卷序

三

安陸府志序

余自戊戌承乏史館七載禁林休沐不遑先二人墓缺然汎掃早晨纔始循例請

告奉假還里踰歲適遭疾蒙

聖恩特允部臣議展假二年自分微軀以狗馬病得存餘息養疴山中間覽古今群史輒思述往事蒐遺蹟據所聞見勒成一書以備國乘而未逮也丙午之春

臬伯張公馳吏抵余書曰自守茲土以來修廢舉墜

安陸府志

卷序

一

次第就理索所謂志不可得久之購求藏本劇明季可輯者垂六十年於茲矣我

國家熙洽日久文事寢盛可在範圍固不乏志而况鄂為江漢奧區其山川形勝聲名文物甲於三楚顧今志載湮沒失傳何以垂示久遠君家太史少泉公明嘉靖初嘗奉詔修興都志成賜金帛有鑒近奉各憲檄搜訂新書而乃言人人殊惟龍門家法具在劇鑒往規以繼前徽史臣之事也亦後人之責也余讀未竟輟席而嘆曰方今吏治務口筆筐篋錢穀金

夫奔走暮會日不遑給矣暇及鉛槧事公一旦慨然
自任成此盛舉其關係豈淺眇哉且世家大族遑遑
子孫材智下不能師其家學故鄉子能言其祖則君
子稱之先太史以文學起家載筆於前至百餘年而
傳及小子謬附作者之後文章作述聚於一門非偶
然矣曷敢以不敏辭於是訪歷宋之遐踪臨蘭台之
舊館按往冊採邑乘實諸同志擴所見聞刻削荒唐
緣辭固陋稍更其篇目條分而縷析之凡作紀志
表傳為卷三十有六其體與舊志相出入而考載視

安陸府志

卷序

二

昔加詳焉志既成快爰撮其大要而為之序序曰孔
子作春秋春秋魯史也編年紀月會盟征伐災異有
書遷固作史記漢書首帝紀次表志世家列傳做其
例繫以紀上下千餘年間興廢可歷數也故先紀紀
古今沿革因乎歲週歲週占諸星野馳邑雖小其分
合改遷皆與氣數攸關故象緯有志郢地控上游扼
漢而注江覽其形勢非東吳西蜀所謂門戶咽喉耶
故方輿有志列國分置名號各殊五季以還屢有更
遷然典創不同而規制大畧相似故建設有志山澤

之壤素稱瘠土即額稅尚苦莫支而水旱交困版削
日甚民何以堪故賦役有志廟學事典亘古暨今未
之或易推茲意以褒功業烈非此不在祀典故學校
禮祀有志築堤之役本以禦災逆築亞墜民安所歸
命乎不塞其弊貽害有不忍言者故堤防有江漢之
奇磅礴蓄積鬱為人文離騷九辯而後作者蔚起古
人有云文章經國大業不朽盛事故藝文有志秦漢
以來分職選舉代不乏人觀其氏暨及其職否亦當
世得失之林也故秩官制科貤封有表吾觀自二南

安陸府志

卷序

三

起化風醇俗美賢才應運而生其忠孝節義文章事
功以至潛德幽光苦志貞魂皆足以維表振獎表而
出之使後之君子有以感發而興起焉故人物有列
傳其他如龍藏珠函裨官叢談雖纖鉅不俾總皆裨
益閱覽故以雜記終焉是役也無所炫以矜長無所
曲以徇意無所偽以傳疑無所隱以滋欺自春徂冬
伏枕校讐分曹纂彙凡十閱月而告竣第諸邑兵燹
餘燼刻既散落事後殘缺無由攷據安所取裁蓋網
羅補苴若斯之難也先太史志疏有言存什一於千

百徒資文獻之微窺寥廓於尋常能無豕亥之誤前
賢操簡猶遜謝若茲矧在惜昧敢謂無忝家法亦妄
為草創聊備葛藟之采以仰副我

公修廢舉堂之至意云

康熙六年丁未孟春吉日

賜進士出身內國史院編修加一級纂修

實錄己亥會試

特簡充同考官前內翰林院庶吉士京山王吉人撰

安陸府志

卷序

四

安陸府志序

辛丑夏余請

告歸養越明年

即伯張公來守吾郡是時軍興旁午不遑修文

事暨西山告定瘡痍甫息百墜修舉三載政通

人和適雲杜王編修模庵亦以

假還里使君日孳孳興廢首欲修郡志檄二

州五邑各系其事繇是東嚮而詣京山揖編修

王君南嚮而詣景陵揖寒河譚子齊宿而進語

安陸府志

卷序

一

曰兩君職纂修並以著作承家文獻首郡中懼

曠日久而籍滋以是在掌故余以推魯憂居棘

次不敢諾使君使君請之固王子不獲辭其

請也乃以丙午受事不期月而告成使君委序

於不佞不佞受而卒業且重有所感也起而言

曰周禮太史掌典以逆邦國之治掌法以逆官

府之治掌則以逆都鄙之治其後世國之史乎

小史掌邦國之志尊系世辨昭穆其後世省之

志郡之志邑之志乎使踰世不迷後可觀焉宜

使君之至亟圖此也且志原爾雅彰職方春秋
以下晉乘楚書最著矣如禹貢紀郡法也周官
秩官法也山海經敘山法也水經敘水法也相
如與五公子相難書草木法也揚子雲九箴方
言書土風法也然而法者不書則遺存者特書
則諛頭白汗青昔人曾痛之豈非載筆之難哉
往先伯父徵君談宇內名志康德涵志武功王
敬夫志鄂縣楊升庵志全蜀張文邦志荅陵喬
景淑志耀州孔沁錫志汾州財五六來耳即以

安陸府志

卷序

二

郡志論明嘉靖初有興都龍飛紀王太史少泉
志之萬曆壬寅間李修撰大泌志之今又閱六
十餘年中間興革治亂水旱兵燹之故昔完而
彫昔肥而瘠昔之宮廟津壁修為岐仰豐錫之
盛者而今門社城廛盡化為煙榛蔓草之餘矣
使君問俗荒丘訪舊遺者不猶漢渌三澨之泛
失故道耶

今天子復古西漢五鳳神雀間事特重二千石如汲
黯之出卧淮陽張詠之永鎮蜀川哀然增秩如

古諸侯而使君首際其會則凡風土謠俗與夫
廢置因革使君察之深習之熟行之果時或登
宋王之臺闢浩然之館日勤咨諏而嚴考核縉
紳所言視鄉先生都鄙所聞視閭史閭府不特
家至而日見之且將登簡而籍之使其事該而
不浮確而不虛旌別以著往美刺以誨來吾郡
風俗之丕變人文之蔚起不卓然復盛於今乎
余與王子適里居又幸預校正之列觀其所論
述皆生齒息耗吏治淑慝與夫幽貞之操孤嫠

安陸府志

卷序

三

之懿篇翰之垂沉於山谷閭巷者一一可見且
嚴而有體瞻而不穢博而得其要簡而周於事
王子信博物實則使君政成化流之暇宅生居
方之餘也宜其言文而傳達矣若夫固河防均
食貨勸循牧彰名賢錫民於殷富以上報
朝廷愛養之至意則

大夫業有良法不啻如古書法也守而廣之是
在後之有位哉

皆

皇清康熙六年丁未歲孟冬月穀旦

賜進士第翰林院檢討前充庚子科江南鄉試正主

考元

廷試閱卷官內翰林弘文院庶吉士治年通家第譚

篆頓首拜撰

安陸府志

卷序

四

安陸府志序

輿邑之有志如朝廷之有史史以時代紀故尚書載四代之典而春秋成天子之書皆出自聖人之手後世各有一代之史亦各言一代之事而已輿邑之志不狀自有此疆以來事之沿革俗之淳澆人物之盛衰官吏之得失以至登覽珍好委巷瑣屑皆得志是非古所稱良史勿能及也明末兵燹輿邑志或散亡安陸尤當衝劇文獻不足述也今天子配

安陸府志

卷序

一

三后之業四方底定文治聿興修輯其弗可緩

懋修張公通守是輿奉檄總其事朞年而書成夫郢固漢南地也在商周之時先被文王之化諸姬實獲封此其後盡於荆楚疆域半天下至今猶傳楚之逸事也然而內方大別隨刊跡可先到江永漢廣風詩聲所先播是又不僅以南風稱雅矣古跡淪亡興衰疊見野乘稗言粉飾附會夏五郭公聖人勿之能改也則今日之志與史俱不能無傳疑缺疑之憾爾予讀是書綜核甚嚴刪訂甚確於潛聞幽思惠勸善具

龜鑑稱寶錄洵無忝於古之良史矣乎而文章爾雅
和平溫厚變雄競之風成醇龐之氣其所寓意猶為
近古予雖在同官不能贊一詞昔楊子雲法言成里
人求載一名以傳知法言之必傳也予雖例得載名
敢以一言附諸卷以冀其傳是為之序昔康熙捌年
伍月望日

奉政大夫安陸府同知府事前

內閣史院掌典籍事誥勅撰文中書舍人郝人剡餘
霖頓首書

安陸府志

卷序

二

安陸府志序

周禮小司徒掌邦國之志志者記事之書也古者左
史記言右史記事其間淑慝有辨巨細有別微顯有
微古今有例凡以起人之觀感而備人之睹記則其
義與史並重至于土賦山川戶口閭閻梁與夫人物事
蹟沿革建置之理莫不胷載無論輶軒之使承

命而采風問俗者一覽瞭然即官是地者一展卷而
土賦之繡錯山川之真麗戶口之殷繁閭閻梁之險隘
人物之孕毓事蹟之源委以至興廢隆替之故孰淑

安陸府志

卷序

一

而孰愚孰巨而孰細孰微而孰顯孰古而孰今當洞
如觀火爛若日星于斯而見經濟之美焉制度之周
焉設施之當焉則是所賴于志書者綦重矣安陸之
為郡即古郢地蟠踞南服扼荆鄂之上游幅員千里
控屬七封方城漢水之疆域屈宋景崖之文章白雪
陽春之歌詠石城蘭臺之蹟紀匪不炳煥一時兵燹
以來徭役頻仍民力耗竭典故殘失志書之不完者
久矣

郡伯張公以燕許雄材剡符此郡躋凋瘵而登之祚

席不數年而百廢具興尤以郡志不復修為念適奉
上檄採輯楚書于是捐鉅鳩工謀諸史氏博搜遺編
索為全帙司馬劉公輔之湛雖不文亦獲列于參訂
之末豈惟記載詳而考證確庶幾寓勸懲于諷刺之
內俾他日采風問俗者得據而觀感焉亦足以備邦
國之史乘云耳

康熙戊申仲夏日承德郎湖廣安陸府通判弘農程
湛謹識

安陸府志

卷序

二

安陸府志原序

今天下郡邑莫不有志其要在正經界徵文獻稽吏
治觀民風而以時損益之蓋諸侯三實具矣可不謂
重務乎承天啟世宗潛龍邸也升州為府倣兩京光
聲名文物非列郡所可望垂八十年於茲而志載缺
焉何以示天下後世嘉靖初嘗修興都志而歛肅兩
帝聖政或錯諸紀中不特書上以體例不合報罷其
後史臣別撰承天大志則臣庶一切不錄而當官者
愈縮胸不復言志事矣吳豫公來守郡之暮年慨然

安陸府志

卷原序

一

引為己任夫史志也史莫善於孔子之春秋春秋魯
史耳周天王與列國事咸在而後世推原其意曰尊
周其次司馬遷班固為史記漢書先帝紀有表志世
家列傳繫之末聞漢庭有異議也本朝列聖實錄臣
民率得附見要之義有獨尊事無偏廢可矣於是徵
龍門蘭臺二書為志卷二十有八目四十以圖經冠
其首有二祖封國踐祚以來諸行事開郡境者目之
曰龍飛紀其體若史帝紀不敢與郡邑志同也餘目
曰沿革曰星野曰攷古曰疆域曰山川曰城郭曰形

勝曰廟學曰典祀曰公署曰鄉市曰風俗曰民數曰田賦曰徭役曰方產曰倉儲曰兵防曰郵傳曰津梁曰邊防曰封爵曰秩官曰宜蹟曰制科曰人物曰藝文曰寺觀曰僊釋曰高士曰貞孝曰僞寓曰方伎曰古蹟曰勝槩曰祥異曰古墓曰雜志其體若志表世家列傳不得與郡邑志異也兼三才羅千古亦既秩然燦然矣某卒業而竊嘆曰莊生有言去國數日見其可知而喜去國旬日見所嘗見行中國者而喜暮年見似人而喜舊國舊都維山林草木之歸入者十

安陸府志

卷原序

二

九望之暢然人情我王道本予人情即天子天下為家而獨座帝鄉之思發政施仁主隆以為極明有等也周公作詩眷眷邠岐豐鎬之舊其大者相陰陽曆畝原訖卜筮宮廟門社辟雍城洹農桑軍田蒐狩祭饗縷縷陳說因當至於洵復陶穴荒迺焉而書秦馬率辭倥偬焉而書猥猥屬鍛容刀鑿鼓索絢縮瓶塞向墜戶蟲鳥果竄細行小物焉而書被之管絃薦之宗廟布之邦國使萬子孫無忘其先休世滋大迄乎東遷悲黍離懷西京而後知周公慮深遠矣吾郡工

祖之邠岐豐鎬也神靈在天不以一日而忘粉榆蠡茲鼎首亦維是二祖所履露之餘也而豈其秦越視之易曰時來六龍以御天也雲行雨施天下平也覽者重龍飛之地思為油雲為時雨庶幾奉揚二祖首善湯沐之意使湛恩汪濊比於邠岐豐鎬卜年卜世盛哉饒乎較姬曆軼之矣且夫前事之不忘後事之師志所臚列前事晰如指掌舉而措之易易耳郡修興都志時歲為壬寅適與今志歲合天道六十年一周國祚萬年無疆而升降汗隆亦後天不違孫公之

安陸府志

卷原序

三

成此志也非偶然矣討論紹述是則在後賢我萬曆壬寅翰林院修撰京山李維楨撰

富水志

古者封建諸侯亘天下為列國至秦始郡縣之晉宋以來錯置州郡唐興盡易州名郢之為郢楚郢郢之舊也東走江淮西通梁漢南徑荆湘北則馳騁乎陳蔡汝潁之郊雖號為四通八達之地而有石城以為固漢水以為限昔人因形便以置州本事始以取名蓋得之矣楚始都郢今江陵是也後遷郢於壽春而

魏文帝亦嘗以荆之江北諸郡為郢州然壽春之郢
終於復故南郡之郢旋即正名郢之名雖四而實一
耳惟劉宋以後一彼一此互別為州名有東西南北
之殊地有江夏義陽淮安定城赤石安廣之異道德
不一文軌不同三光五岳之氣散而無統其分裂變
置於南北之間至有十之三馬迨唐始合為一五乾
元州名始定迄今言郢事者亦庚錯難認郢諸者十
八九指江陵者半之而於義陽淮安汝蔡光道亦略
取其二三也祖襲訛謬綿歷久遠不知者類以為真

安陸府志

卷原序

四

而知者則諺曰春秋傳疑之義固當爾耳信如所云
則古人辨圖正封之意果安在哉郢舊有志其先出
於綿範淳熙丙午張侯實未見其殊略舛誤舛馬甚
不滿也已而興什植僅條具實整暇乃命家後緝成
此書凡為十卷分三十四門細大畢載顧本具舉以
分星所臨各有封域而徐雍荆楊南北互見故辨郢
州以次險之象天造地設而依山為固彼此弗類故
辨石城都邑郊鄙不宜混并也故辨二郢分疆對境
安可錯雜也故辨章山名跡事實必有定所也故辨

新市於是名正言順綱舉目隨千載訛謬一洗空之
侯於是州也日夜究心恢張形模革易故恒將去之
日如始至而是書之成蓋可見其綱目聲道敷敷之
餘敢敘所以冠於篇首云

安陸府志

孫文

郡邑志何始乎始於古也古始於何時乎始於九丘
也曷謂九丘九州之志也漢孔安國曰丘聚也土地
所生風氣所宜皆聚於此書也後世地志周經其皆
權輿於此乎交幼學時見郡志藁紙不百幅繼見一

安陸府志

卷原序

五

統志為天下志當畧又見湖廣通志為一省志猶畧
後得富水志修於宋淳熙間洪武中增修富水志亦
不傳矣恒欲纂錄續以見聞略備郡來顧先職事未
暇晚歸林下日以筆墨自娛次第舊藁為一十六卷
郡有街事以類附屬邑京山別為四卷總名之曰安
陸州志凡例遵一統志典纂修條目率不外乎土地
之所生風氣之所宜焉今憲長聶公承之前桂荆襄
既修襄志使節過郢尤切注意屬郡守王君下車留
心政教歆考郡志以為因革之宜知交書纂錄也索

葉至再始出與章山提學沈君商訂王君校正二君之勞實多將刻梓王謂交曰茲猶一郡之史也請序諸篇端交聞古者列國皆有史官掌記時事今車書一統惟國有史郡邑無史謂之志者紀事之書非史也他日修史者有取於是焉耳若效史體一字一言抑揚褒貶悉有書法是以志為史也惟閩於土地風氣者巨細不遺美惡兼載所以備觀風者之採擇耳交草創也郢之後賢必有能討論修飾而潤色者庸書此以俟

安陸府志

卷原序

六

京山縣志

王格

京山舊無記籍在南宋時附載富水郡志富水本京山北境故富水廢縣縣省有名迺為郡所掩志固弗得為京山額也國朝有一統志通志正德間孫司徒有州志並襲宋故事以京山綴安陸而已嘉靖十年州政府十八年巡省於是吳章曠制視昔彬蔚後二年守臣請修興都志詔顧尚書璘聘格數人從事迺下屬邑搜各志為資時格受幣未行與韓教諭江肇取孫司徒附本稍增輯之送書局於是縣始有特籍

然况外不可讀漫藏學宮未有以傳也前數年縣大夫鄧公合知格嘗經始舉以相屬曾去弗果今年春縣大夫張公下車甫期政通多暇謂此事自閑職方不宜休缺更復見委格辭不獲命因與諸君即故快編加哀採自夏徂冬頗彌涼煥遂定著此書噫嘻千齡闕事暫然興舉非張公沉練毅決志扶義教何能及此顧格庸鈞朽姿才謝述作享帚絨石知為通識所嗤然以資巷塗之譚話庶幾或勝諸無爾

潛江縣志

劉楚先

安陸府志

卷原序

七

今天下郡國州邑率有志義不過隨其疆土風氣民物諠俗之常而布諸方冊以為觀省者據跡爾非膚屑焉續綴為耳目張也余觀禹貢周職方則同志邑者權輿矣自今言之抑何其瑣悉而近俚也夫其曰賦有高下墳墟有黎赤九鎮九澤不同區五戎八蠻不同服列而載之宜也乃若篠簜筍輅淮蠙江龜海錯之纖繁以至於男女閭閻村落器資等物至微至賤有閭井小民所不能口之公庭縉紳先生所不及形之顧問者而二經咸取而收載之不遺餘力求可

謂殊原勝聞魁閎綺麗之語則寥寥無少概見焉然後知古聖人紀績命意無一非根於方域固乎民生日用而因所庸浮文美節也晚近學士家厭薄一切飲食居處而恢輝之即有事於輯志者延英分局厯以歲時剗剗而著行豈不亦哀然足術乎乃最其中之就實焉蔑如矣故討論疎則掛漏難出堂附入則設販之亦甚者管窺道聽之見害且移睨於城郭陵谷焉余不暇遠指如吾郡故有志雖非粹善猶未盡偽謬也頃改修而傷之其疆里本來面目十不得其

安陸府志

卷原序

八

一二人何論評議得失也夫志以體邑猶地物之取諸型似也籍第今圖自圖而圭自主封自封而牒自牒徵於何有噫舉吾荆而環宇內例可觀已信乎志之難言云潛江為鄂澤邑志久弗詳邑侯藝源潘君搜舊乘採異聞屬邑縉紳先生董其事為志問余序之余嘗述稽爾雅漢出為潛嶧冢微涓瀦龍淵會破石通置山以朝宗於海而鄴道元水經所紀洪源東駛沿襄郢達內方折於蘆沈河始支遠而匯蓄焉是為潛水然則潛固水之注也今縣以水名田漁相半

能無虞於氓粒乎其區風隸吾南郡自安陸升州為府割潛而附之遂號湯沐左臂與塞之奧要視昔更倍顧數十年以來漢溢不用其道民幾為魚而以者公家渙今日新中涓虎翼而咆哮於祖宗根本之鄉直弁髦而視之長民者日兢兢奉行教過為地方計旦夕之命之不給而尚及於典籍風教乎是其居地之重既若彼值時之艱又若此蓋非志邑難志潛之邑於今日為誠難也維潘君以制科發家蒞事甫數月政通民和百廢肇飭乃孳孳封井民社之寄而首

安陸府志

卷原序

九

念於斯矣請於監司卜祥設館禮下鄉大夫士之賢者編摩裁潤諸所因革廢置出侯正定者半以紀表志傳歟為四日起自縣紀天文以第於藝文諸類凡十五卷余卒業而覽之本末兼備先後有緯其條列若鱗之次其評確若蟻之森將令後之按圖而考方里授帙而友文獻者若身履而目擊燭照而數計無毫末爽也則侯之功詎非卓然獨媿余不嫻於詞侯乃遺之書曰潛本荆屬大夫起跡於荆其勿忘桑梓幅壤以一言冠其簡端也嗟夫以荆視潛潛邑而荆

則郡以余視荆與潛潛濟而荆則居其劇賊遠通有
差矣乃今荆志未歸於當余寧坐視而三緘而侯命
之辱願欲持不腆以塵潛諸君子之成編余則安能
不避席而謝不敏我雖然古者列國均有史世史職
之邑之志即國之史也余與在掌故三十載迄今髮
日短矣既無能搦管以鋪陳南郡之風土人物而又
不能藉近邑之寵光以抒其遺鬱焉是愈勝其職也
故因侯之請也聊取表於禹貢周職方之旨而鑒於
叔季錦靡之非申之以今侯之休嘉終之以本領之

安陸府志

卷原序

十

殘缺而脫草以副鈐擇焉已爾如猥云將必假丘里
之談而首括斯刻也則中自有合邑諸大夫之記

荆門州志

劉春

九丘作而禹貢繼之周職方又繼之所以志九州之
域廣輪之數貢賦之制備矣自秦廢封建置郡縣沿
漢盛唐以來遂有地里志郡國志風土記者舊傳諸
作或總括區宇或詳著一方雖有不同然皆類耳今
天下之地里人物風俗古今沿革有大明一統志所
以總括者無遺矣雖撮其綱而不能盡其目舉其大

而不能及其小法宜然也故藩省郡邑各有志蓋視
一統志以為隱括而加詳焉士之博古者試取而讀
之則凡某郡某邑之風俗道里人物之數不出戶庭
可究而其用世者欲酌其政事之弛張緩急亦無不
得於几案間况其所以昭興替垂鑒戒又靡不備耶
此荆門州志所由作也上虞韓侯以鄉進士起家來
守是州廉明慈惠越二年政通歲成民困弗極乃索
志得舊藁於掌故者觀之病其未悉遂祖一統志為
義例考校刪定釐為若干卷將鐫梓誥子序之且曰

安陸府志

卷原序

土

文獻不足殆難免於掛漏偽謬然後之君子固可藉
是續而補之也予既受其從事復告之曰荆門屬古
南郡自漢末曹劉角逐終歲常矢石交戰之所遘吳
晉之時雖幸羊陸之交歡而刁斗之聲亦何嘗息尋
五胡亂華其害尤未易言唐混一未久紛據於藩鎮
而荆門陷為僭竊之區矣及五代干戈無歲不動在
宋中葉薄鄰金狄民之疲於奔奔猶不異於唐之季
世則士之生其地者河嶠考古修業而仕於其間者
雖欲按圖問俗有事於志亦將何所記我今國家肇

造鴻業聲教暨海外而荆門在湖湘距中州不千里
猶為華夏文明之地故俗由改革物以時成地因人
顯而是志之所採摭登載若有不勝其夥者然則君
子之觀之也豈但知是郡風俗之美惡人物之盛衰
治通之隆替而已哉感今日之遭遇懷昔人之流離
而生於斯者益奮其進修之心宜於斯者益勵其效
用之志然後知志之非徒作也

當陽縣志

余自蒞郢興二三守令約務在實心任事愛民若簿

安陸府志

卷原序

十三

書期會聊且目前抑末矣乃留後參軍任子夢榛工
藻詞有幹局嘗試之以城孝昌而孝昌之民悅焉城
成會玉陽令缺俾攝篆第見編賦有方節愛業著撫
臺汝泉趙公暨巡使鄧公與余行部至亦嘆其無城
遂並屬任子不獲未暮月而工告竣且持所為縣志
二冊丐序首簡余曰荆郢郡壤也玉陽在春秋時固
荊州域後屬郢都世廟龍飛乃綴興都剡輔即里供
衛陵園信其山川靈罔待時而顯為不偶也況前此
雖志多不與後散失無全任子顧能博采編輯體例

謹嚴文字爾雅可為帝鄉民物山川博觀者助矣噫
城嚴休漳志紀文獻若任子豈直簿書期會間一能
吏已耶乃擲管序之併以告司牧者

沔陽州志

史自上

沔介江漢自古為雲夢之墟秦時業為郡邑漢得一
漢濱老父其言光昭史冊唐得一處士鴻漸遺經膾
炙人口人文多隱而未見云高皇帝大定南服沔為
直隸州肅皇帝起郢上沔為湯沐郡其間名世應期
而出德業文章有張楚者顧弘德以前士樸而民庶

安陸府志

卷原序

十三

嘉隆以後士華而民疲萬曆九年不佞奉命來守是
邦問民痛苦長老咸曰沔之水利非神禹故道最患
者茅埠江口三十年東南魚矣田纏非先朝舊制為
貧與寡者憂不變而通知西北無遺子矣下學與諸
士設藝見大成殿將頽非一木之支也乃首捐俸計
日度工章更新而學修履畷而賦曲阡陌幸畫一
而田均議工而築洶湧澎湃屹然如山而江口幸塞
陳先生宅憂里居謂修渠壟田興學造士皆古循吏
事願記載之以傳永久余愧尸素無裨於沔聞之未

嘗不發汗沾衣也異日以修志請於陳先生先生亦
禱且曰童太史公有成書矣余請至再而先生增定
焉於太史公未易隻字簡而文質而不但真足羽翼
太史云古今史家千載而下寧有兩左馬哉劉子炫
於丘明議其文飾也班孟堅於子長憎其所短也竊
病二子有隘心焉先生避先達而俟來哲此其意莫
可窺矣梓成先生命引其端里有屈宋先後一於是
書傳且遠也不佞從大夫之後亦附驥千里者與

景陵縣志

袁福徵

安陸府志

卷原序

十四

竟陵以治汚路麗邑之長時過而周瞻或縣公事如
境逆送或錢庫錙鈔波郵網荻之務勾臨而煩長故
其方至風土耳目備近而邑表延遠圖域未輦且歲
輸晦數較踰總州又頃徵發凡興館棹傳什倍於昔
吏至日苦不給不過憑託譚胥或塗而借聽人即一
二覽尋故實於郡乘所遺殆多而民隱關焉嘗令縣
官及博士校讎未暇寢罷三年而丘君汝中以儒緣
飾吏始蒞之月繕整膝簡供億權義絀蘇度支督庾
園糾葛濫諸廢惡興塗歌誓頌迺始徵余會蘇生波

糾徒莆來余以文學長令賓遇之共治事丘君日夜
檢數屬意生受成竣工焉蓋兩月疇爾何丘君之
又事如家而操吏若素授也已展書作曰夏后之功
最鉅於漢今自襄郢而注析為滄浪迤東匯北導經
大別凡從竟陵委旋而斷不若汚之獨波滔於壑爾
已昔荆洛轉輶釋此安適我誠一大阮也今又關治
典都獨號為最縣百需千孔藉以土解給爾假令不
及今詔圖導事令有司闔戶校而出拊理其真從聞
險要人瘼我頃年主簿散文翼衰老血血同里中上

安陸府志

卷原序

十五

阮陳民便議之若萃訟聞者猶謹閉門於長吏俱且
厭聽已斥廢之則烏得不委民溝涂而時時聞主簿
言也此書之裨為大而丘君蓋有隱心焉矣縣故無
志志之自辛酉辛酉既異水民饑而親王報通國境
上縣隸同荆西路會當徵差無不萬一令科民即斯
志也無甚沿革循官而世守之其猶可以藉乎不爾
豈徒汚民皆沼而已哉余居嘗於汚時時聞其中附
書竟陵大事因以為唇吻國哀而述之笑尾使聞於
丘君其謂余言誠實錄也哉

舊承天府志

孫文龍

當肅皇帝龍飛之二十一年歲在壬寅越於今六十
年矣時少司空東橋顧先生以督大工至而守郡則
餘姚吳惺念承天改州而郡參於兩畿與順天應天
事相同而名相埒也是不可無志請於上得俞旨命
少司空兼總裁而郡守副之開局延賢旁搜遠採獨
月獨參纂修與郡一志進覽上謂體裁非是僅僅報
聞猶然嘉諸臣勤勞各進一摺也三十年後而承
天大志成益經始於華亭徐少師而以肅皇帝睿思

安陸府志

卷原序

十六

獨裁之煌煌乎偉觀矣顧事所獨重體有獨尊未遑
他及無論往管巨麗湮沒靡所考見即當世之殊猷
絕續名士鉅卿與風土物情有能舍里中人而得其
梗概者乎總志則畧而未詳邑乘則漫而無統凡臨
蒞茲土者不無闕遺之歎披其六十季間豈無博學
宏識如公孫喬胥臣輩可續吳志者而避讓未遑毋
亦官先其事殫精於簿書徵發系綴斯難竟成闕典
龍濫學邱都幾二年所委蛇之暇尸曠為慚景高良
則勤邱止之思時登覽則感今叢之致瞻物理則興

隆替之懷而又重以龍飛偉蹟官司叢雜未易著手
於是竭思盡慮至忘寢食羅之故實採之見在摭以
獨得數月間案而成帙凡二十卷首二卷則志龍飛
大畧崇重典也餘十八卷悉如各府志例即不敢忘
意竊取補與朝之闕文亦庶幾有志筆削告吳君成
事矣顧其中缺遺純謬取謂盡無要以鞅掌之吏當
筆札之司質既歎於三長志復分於兩營其不能事
廣文核辭副義炳固其所也惟是援管證茲各有攸
宜印或彼甲此乙亦經偶變責以陳訛尚獨可委云

安陸府志

卷原序

十七

爾故志成而察土觀風者方設教或可藉為風勵地
而豪傑之士無感亦興在何自豎則龍范政以來所
統統望者耳倘視為一郡補遺吳君續貂則無所耳
代庖矣

鍾祥縣新志

馮右京

世之盛也類必博購羣書纂修典章一道同風垂諸
來禩俾後此者讀之而相見其治觀盛典起焉是不
特國有史即推之一郡一邑而莫不有紀載之書於
以式古訓昭來許繼往闡後顧不重歟

國家自定鼎以來海隅敬應車書一統遠邇固不率
禪聖天子允廷臣請立史局以徵文考獻其著自內
者刪為寶錄有條例以頒示天下凡邦國郡縣亦得
以其風物土宜編輯成帙上諸

朝廷其間因革損益固非一端錯綜參伍未易縷述
劇所以紹舊聞而彰新譔非今日事邪余守茲土而
千秋邑令以所編鍾邑志告後夫鍾古即地也素稱
三楚奧區文物風土甲於漢上吊宋大夫之宅杞梅
佛人之池問白雪陽春起而廢者代不乏人乎蘭臺

安陸府志

卷原序

十八

雄風花山勝槩未改其舊乎思雲杜竟陵之遺望滄
浪三澨之源沲潛雲夢之澤經郢邑而安瀾乎縉閣
之餘見山川雲物為一書賦役戶口為一書人物風
俗為一書康樂和親荒札痲腐為一書細大弗遺勸
懲以昭且鍾有尚志蓋自今始非述曰鼓蒲鋪張之
具文已也余亦樂觀其成而為之序

又序

張尊德

鍾祥為無事志其貢賦建置諸條止雜出於郡志中
而人物土風散而無紀且軼萬曆癸卯以後事蹟我

國朝因革諸大政更闢焉未載稽考者病焉余方補
葺郡志檄徵屬邑諸書乃令尹程君先事采輯創為
縣志余取兩閱之綱凡十昉於方輿而以雜志終焉
目凡七十有二始於圖考而以祥異竟焉雖尚詳一
邑乎而鍾本附郭大約不離郡志者近是其敘事則
有原有委可以察世運之升降也其敷文則有典有
則可以考政治之得失也其紀績則有觀有感可以
辨風俗之美惡也不禁惕然曰余與子大夫其共勉
乎哉余司表帥之責者也子大夫其敷施之首及者

安陸府志

卷原序

十九

也使修其政保入其土地人民則歲時必豐物產必
登財用必裕閭閻必型仁而誨讓當時被其休老則
稱之曰某也賢使墜其政殘其土地人民則歲時必
歉物產必耗財用必乏閭閻必悖禮而傷道當時被
其害志則沒之曰某也不賢余與子大夫其共勉乎
哉匪獨此也使師志之所謂賢者而行之則郢民與之
志紀之曰是可匹昔之某賢大夫也使倣志之所謂
不賢者而行之則郢民非之志紀之曰是可匹昔之
某不賢大夫也夫大夫而以賢稱則將與昔之某賢